

奢摩他室曲丛

奢摩他室曲丛

耆摩他室曲鼓
雜劇之屬
誠齋樂府

仗義



財

據宣德憲藩本校印

上海涵芬樓印行

新編黑旋風仗義疎財全賓

〔淨孤辦趙都巡引公吏人上開云〕自家是趙都巡。今蒙上司差遣。下鄉去催
趙秋糧。〔做喚公吏人上〕〔淨云〕件當每。我這一遭下鄉去催糧。好歹多問那
欠糧的百姓。討些錢物來也。〔下〕〔外辦李徹古引卜旦二僮上云〕老夫姓李。
家住在東平府劉家村。老夫平日直實。因此上人喚老夫做李徹古。嫡親的四
口兒。這是我渾家崔氏。這是我女兒千嬌。年長一十八歲。這兩箇是我兒孩兒。
李寬。李裕。一箇十二歲。一箇十一歲。爲因老夫家貧。拖欠了官糧五十餘石。官
府催併收納。老夫無奈。將這兩箇小兒子。前去東平府城內賣了。換些糧米納
官。行到半路。天色晚了。兀的前面一座古廟。老妻。俺向廟中宿一夜。明日入城
去也。〔做到廟科了〕〔淨辦孤引公吏上云〕自家是趙都巡。因爲催糧到此。天
色昏晚。此處無有人家。且去兀那廟中歇一歇馬。〔做見外科〕〔問外備說云

云了。〔淨背云〕催糧到且不打緊。兀的一箇好女子。〔淨問云〕老丈丈。這箇女兒是你甚麼人。〔外云了。〕〔淨問婚了。〕〔外云了。〕〔淨云〕你今欠糧五十餘石。也不緊要。我只將你欠的糧。洒派在別的戶兒身上。替你納官便了。小官有句話敢說麼。〔外云〕官人說有何妨。〔淨趨搶云〕老丈丈。你這女兒千嬌。小官要取做娘子。未知丈丈意下如何。〔外云〕老夫只這一箇女兒。年紀幼小。官人來催糧。老夫欠的糧。不敢不納官去。老夫豈肯將女兒買囑官人。不納官糧。却將糧洒派與他人。苦害貧民。這話依不得官人說。〔淨怒云〕件當。吊起這老子。〔吊科〕〔淨云〕件當。將酒來喫。喚過那女子。千嬌來與我把盞。〔做飲酒科〕

〔二末〕黑旋風李逵。浪子燕青上云。我是宋江的兄弟李山兒。這箇是浪子燕青。蒙宋江哥哥差往東平府。羅買糧食。今羅了一百餘石。趕着五輛大車。天色晚了。前面無店。遇着這清秋時月。路途中是好景致也。〔二末唱〕

〔仙呂點絳脣〕看了這一帶青山。兩行白鴈。秋空晚。楓葉凋殘。籬菊迎。

霜綻。

〔混江龍〕平堤古岸。小舟閑却釣魚竿。黃蘆野水。紅蓼沙灘。遙聽犬聲行客喜。倒騎牛背牧童還。趁半竿斜日把後車催。望幾家燈火將前村盼。正投林鳥倦。出岫雲閑。〔末云〕路遙車重。好費心力也。〔二末唱〕

〔油葫蘆〕千里驅馳兩鬢斑。風露寒。猶勝如烟波名利大家難。經了些羊腸古道行程艱。看了些馬頭風月吟鞭懶。亂石堆高嶺巘。斷橋橫淺水灣。正值這滿川黃葉郊墟晚。呆答孩的斜倚寶雕鞍。〔末云〕天色晚了。前無客店。且在此古廟前。將拽車的頭口放喫些草。到半夜早行。〔二末唱〕

〔天下樂〕時復高歌把劍彈。入得門闌。〔末做望科唱〕遙望着古廟間。見佳人手擎着村務盞。狂客被歌酒迷。好花教風雨偏。一箇箇蹙愁眉淹淚眼。〔二末做入廟科云〕官人這兩三箇老的小的。爲甚事來吊在樹上。〔淨云〕不干你事。你休管。〔末又問外〕〔外云了〕〔又云〕爲官人要取我女兒。我不肯與。

因此吊着俺。〔末背云〕這厮好是無禮也。古人說路見不平人拔刀與相助。我且向前先勸他一勸。〔末向前告淨〕〔末云〕這老的是俺親人。小人將着一百石糧食。今就替這老叔叔還了五十石。官人放了他罷。〔淨云〕你是他的親。你肯保這親事。教他將女兒與我爲妻。〔末云〕官人要時。等他納了官糧。却使媒人來說親。却不好。〔淨云〕怎地等的到明日。今夜便要在這廟後成親。我一石米也不要他納官。〔二末怒云〕好是強騙人閨女。這等無道理呵。〔二末打唱〕

〔醉扶歸〕打這厮忒淫濫污官宦。將百姓苦傷殘。便做你催糧呵。不曾教你倚着勢把平人婦女奸。這是你將公事能迭辦。〔淨云〕件當上前來救一救。

打壞小官了。〔末唱〕打這厮左右人幫閑鑽懶。那些兒肯救濟民塗炭。

〔公吏人來相打都被二末打番各皆走了〕〔二末唱〕

〔金盞兒〕我見他數十箇逞着兇頑。我則一二合打的彎跽。則我這莽拳頭上實無眼。打的他四零星散恰似癩癩。打的他七林侵尋鬼窟。荒篤速

拜神壇。〔淨云〕廟裏上聖救一救。金鞭指路。聖手遮攔咱。〔二末唱〕他剗自叫金鞭來指路。聖手與遮攔。〔淨一行皆走下〕〔二末解放外并俵了〕〔外拜云〕若不是兩箇哥哥救了老夫。險被那官人打壞老夫。又奪了千嬌女兒。敢問貴姓。是何處人。〔二末云〕俺是梁山寨上宋江家兄弟。我是李山兒。兄弟是浪子燕青。老叔叔姓李。山兒也姓李。就在此結義。叔叔受山兒四拜。〔做拜科〕〔末云〕老叔叔回家去。將我這兩車糧食。與叔叔將去納完了官糧。休去城中賣孩兒去罷。〔外云〕多謝兩箇哥哥是大恩人。老夫又恐趙都巡。再到老夫家中炒鬧。〔二末云〕若再到欺負你女兒時。你來俺梁山寨上。只告宋江哥哥與你整理。〔二末唱〕

〔賺尾〕我則待一念濟孤貧。半世扶危難。怎肯把仗義疎財意懶。試看山兒這一番。直教那潑無徒膽戰心寒。〔燕青云〕與了人糧食。到山寨上恐怕哥哥怪。〔山兒唱〕若回還。俺哥哥喜咲開顏。便與了五十石糧食有甚

罕。〔外云〕老夫敢不敢將這糧食回去。〔二末云〕你將去不妨。〔二末唱〕若那厮再要你女兒擎臺過盞。再若是強奸厮犯。〔帶云〕你來告俺宋江哥哥差了我呵。〔二末唱〕把那趙都巡的濫官衙番做鬼門關。〔下〕

〔淨引二樵老上〕〔淨云〕下官前日在古廟裏。見那李徽古有一箇好女子。我一心待取他。不想走將兩箇生漢子來。着實打了我一頓。又解放了李徽古那父子每去了。今日自引伴當到他門上。好歹要取了他那女兒。〔下〕〔外同旦卜僚上〕〔外云〕老夫自前日。被那兩箇哥哥救了我女兒。又與了我五十石糧。教我納官。今日只得將着這五十石糧。去城中交納去也。婆婆若有宋江家那兩箇哥哥來時。好生管待他。老夫今日納糧去也。〔外先下〕〔淨引樵老上〕〔淨云〕前日被那兩箇強漢。打了我一頓。今到李徽古家。好歹要搶奪了他女兒去也。〔做與卜相見云云了〕〔卜云〕官人等老身夫主納糧回來。明白用媒人娶去却不好。〔說三四次不肯了〕〔淨云〕這婆子也說的是。等我過三四日

來取你女兒。〔淨下〕〔卜云〕女兒上緊着親的。每入城喚你父親來。往梁山泊告宋江去。〔下〕〔辦宋江上云〕前日兄弟李山兒。燕青。去買糧食。路上遇見箇欠糧的老百姓。又被趙都巡強要他女子。他兩箇救了那百姓。就將我糴的糧食。接濟了貧的。我十分歡喜。今日安排下一席酒。喚兩箇兄弟來。賞他同飲數杯。〔做喚二末科〕〔二末上唱〕

〔中呂粉蝶兒〕這幾日閑坐在山營。猛聽得喚一聲李山兒。急忙答應。我將這加鋼斧磨的來耀日爭明。遮莫是差自去探官軍。劫牢獄。救人之命。我怎敢消停。忙把這茜紅巾額顙上拴定。

〔醉春風〕我這裡整頓了黑油鎗。提掇起紅衲領。出門來。吓聞不得一陣家血風腥。將咱這膽量來逞。逞。〔衆又做喚山兒燕青科〕〔二末唱〕他那里一片聲叫着浪子燕青。更叫着山兒名姓。受不得他恁般催併。〔二末做與幫老相見了〕〔幫云〕你試猜哥哥喚你怎地。〔二末唱〕

〔紅綉鞋〕莫不是出水寨與人爭競。〔幫云〕不是。不是。〔二末唱〕莫不是下梁山打探民情。〔幫云〕不是。不是。〔二末唱〕莫不是有冤屈告狀要分明。〔幫云〕不是。不是。〔二末唱〕莫不是方臘賊來作耗。〔幫云〕也不是。也不是。〔二末唱〕莫不是蔡太師忒胡行。〔幫云〕也不是。〔二末唱〕莫不是大金家侵境界。〔幫云〕你都猜不着。你再猜。〔二末唱〕

〔么〕莫不是護俺那宋官家去李師師家遊幸。〔幫云〕你猜不着。不是。不是。〔二末唱〕莫不是護俺那宋官家上元驛裏私行。〔幫云〕不是。不是。〔二末唱〕莫不是護俺宋官家黑樓子上聽彈箏。〔幫云〕不是。不是。〔二末唱〕莫不是護俺宋官家趙玄奴家開小說。楊太尉家按新聲。〔幫云〕都不是。你猜不着。〔二末唱〕既不是沙。却怎地喚您黑爹爹不住程。〔幫云〕哥哥宋江喚你兩箇。則俺甚事。〔做過去相見〕〔宋江云云了〕〔飲酒了〕〔小婁羅唱舞了〕〔外卜告狀了〕〔云云備說了〕〔二末唱〕

〔石榴花〕聽說罷氣撲撲惡向膽邊生。直恁他將百姓忒欺凌。便做他倚官挾勢莽施呈。也有箇三媒六證。問肯方成。便做是窮莊家不敢違尊命。也存些天理人情。却怎生走將來不下些花紅定。平白地奪了箇女娉婷。

〔鬪鶻鶻〕實是那趙都巡的短倖難容。〔宋江問云〕你敢去雪他這冤麼。〔末

唱〕這雪冤李山兒親身愿領。〔宋江問云〕你和誰去。〔末唱〕我合着浪子

燕青。〔宋江云〕你怎生去救他。〔末唱〕我將那機謀暗整。〔宋江云〕你有甚機

謀去救他。〔末唱〕我打扮做箇嬌娃窄步兒行。向嬌兒裏乘。暫學些抹

粉搽胭。權做箇油頭粉頸。〔宋云〕你先敷演怎地拿他。〔二末唱〕

〔上小樓〕那厮他必然衙中厮等。將俺簾兒揭定。入得前門。到得中庭。坐

列幃屏。會衆賓鼓樂聲。花紅滿徑。你看我扭扭捏捏地騎鞍驀勝。〔宋云〕

你再敷演怎生拿他。〔二末唱〕

〔么〕一覺地揭了蓋頭。見了我醜形。我將一隻手揩住頭梢。摔下堦基。打碎他天靈。我直教誆得一城鬧到五更。不知名姓。俺到來日安安穩穩地哥哥前復命。〔宋云〕既是兩箇兄弟有不平之氣。一心要去與這李老做主。救他女兒。李老便索跟這兩箇兄弟上緊去也。〔二末唱〕

〔耍孩兒〕這一場雪怨報恨無乾淨。直打的那濫官吏潛踪滅影。〔宋云〕撥幾箇小婁羅。送兄弟下山寨。〔二末唱〕也不須小婁羅相送下山程。只消得黑旋風浪子燕青。向人叢。若見他喝一聲骨突突江河沸。到城市若共他併一合忽刺刺山岳驚。憑着俺雙拳硬。一條鎗神輸鬼磨。一把斧月根風生。

〔尾聲〕不是李山兒誇大言。俏燕青敢自逞。要活的呵恰便似餓狼兒般。綁縛的難敵掙。要死的呵恰便似死狗兒般。拖將來寨兒下等。〔下〕

〔淨上云〕自家是趙都巡。昨日差了家中人。去李徽古家取他女兒。日早晚不

見來。我喚箇官媒去。再催他去。〔做分付喚媒婆〕〔燕青辦媒上云〕自家是浪子燕青。今聞知趙都巡尋媒婆。我辦做箇媒婆。與他取親去。〔做見淨了〕〔云云了下〕〔淨喚廚子整辦筵席科〕〔貼淨辦廚子折了〕〔淨云〕怎地還不見新娘子來。〔二末上〕〔燕青扶李達旦辦上唱〕

〔正宮端正好〕搽畫得我頰腮紅。收束得我腰身細。學婆娘苦眼鋪眉。〔末做下轎科唱〕下轎來一跳有十石力。忍不住英豪氣。

〔滾綉毬〕辦做箇婦女每。跟定箇豹子媒。那里取畫堂春。一團嬌媚。我從來不慣喫裙帶上衣食。你看我撇道兒勾一尺。爪老兒墨定黑。把蓋頭遮了我一撲叢髭髻。那里取傾城色玉骨冰肌。恰便似三門前娶得箇金剛女。本是箇梁山寨生成的豹子妻。知他是甚娘喬爲。〔媒扶拜堂科〕〔末做男子拜〕〔媒云云了〕〔末唱〕

〔倘秀才〕拜堂時險忘了婆娘的禮體。〔做喫交盃酒科〕〔末唱〕合巹處改

不了村沙樣勢。〔淨趨搶笑科〕〔末唱〕他將箇咲臉兒來迎我怒面皮。不曾見這色情緊。潑東西。是甚道理。〔媒扶末做入房科〕〔末唱〕

〔滾綉毬〕不付能入綉幃。〔淨脫衣科〕〔末唱〕他又早脫了衣。〔淨調戲科〕

〔末唱〕聽不得他濫淫聲痛憐輕惜。便守親呵也要箇撒帳官媒。〔淨云〕有有。媒人靠前。上緊撒帳。便要見喜哩。〔末唱〕你道是就這里。要見喜。你

來你來。我和你房門外調一回把戲。忍的我渾身上熱汗淋漓。〔媒揭蓋頭

了〕〔淨做怕科〕〔末取出刀唱〕你見了黑爹爹忙提秋水刀三尺。休想是

嬌姐姐細看春風玉一圍。你後悔應遲。〔李山兒末脫女衣〕〔燕青末脫媒衣唱〕

〔叨叨令〕則我這做娘子的脫下了羅衣袂。做媒人的丟調了油鬚髻。將那夥守親來的諛的他呆癡着立。則你這做新郎的顯不得帽兒光光地。俺向前去打這厮也麼哥。打這厮也麼哥。打這厮害窮民倚仗着官威勢。〔二

末打淨〔二末唱〕

〔伴讀書〕你你你到這里休回避。我我我不按下心頭氣。打的他肉綻皮開無絲力。打的他荒忙哀告伏在田地。打的他口聲聲叫道知情罪。他他他可撲的跪在堦畿。

〔唉和尚〕打的他軟兀刺難掙起。打的他俏沒促無支對。打的他手脚彎跽如昏睡。俺俺俺打的他歪了嘴。俺俺俺打的他綻了皮。來來來綁縛了與他那濫令史做一箇傍州例。〔二末將淨綁了又將一二公吏綁了臥在地下科〕

〔二末云〕俺試去搜他家中。有害民要的錢物。〔二末虛下〕〔擡上箱子四五箇〕〔二末云〕這箱內看了。原來都是金銀。苦害百姓得來的物。俺不爲做賊貪財而來。只因他倚官挾勢。苦害良民。要與貧民做主。出俺不平之氣。如今將這十數箇箱子。上寫黑旋風李山兒封記。放在他中庭。將這趙都巡我不殺他。只綁縛了。也放在中庭。待明日官府來看審問明白。自治他罪。兄弟燕青。點把